

特 116

361

五
花
海
子

5 6 7 8 9 10 11 12 13 14 15 16 17 18

始





葩詠草

大正
15. 3. 9
内交

緒言

予年少詩ヲ膝下ニ學ヒ今年齡古稀ニ達ス不肖
短才ニシテ此間作ル所ノ詩鹵莽蕪雜固ヨリ觀
ルニ足ルモノナシ然レ共半生ノ感遇吟詠ニ寄
託シ以テ自遣ヲ得タルハ先君ノ賜ナリ因テ閱
歷興會ノ係ル所拙陋ヲ以テ棄ルニ忍ヒサルモ
ノヲ採録シテ家ニ傳フト云爾大正十一年五月
生日時福識

此稿元ト遺稿トシテ上梓シ以テ親戚故舊ニ頒
ツヘク嗣子ニ委囑シタルニ平素風雅ノ道ニ疎

ク必ラスヤ魯魚謬ヲ致シテ命ニ負カム冀クハ
生前親ラ事ヲ董シテ梓ニ壽セムコトヲト請フ
ヲ已マス其言フ所亦タ強フ可ラサルモノアリ
因テ遂ニ印行シテ他ニ頒ツニ至ル蓋シ已ムヲ
得サルナリ大正十四年臘月再識

天葩詩草

草間時福著

三計塾冬夜讀書

安井息軒先生塾名
庚午明治三年

惟好寒窓燈可親。一裘伴我十年貧。拋書不覺慨然起。豈有今人劣古人。

重陽次韻霞城兄

後號詩
四明
辛未四年

佩得茱萸兄弟親。登高今日醉佳辰。去年遠作他鄉客。南菊重陽愁殺人。

流落

在丹波
穴川村
壬申五年

來作窮陬流落人。幾年身跡混風塵。數行唯有濺花淚。此地逢春心未春。

夜下澗水

桃花三月水漫々。獨對江心思百端。展轉篷窓眠不得。滿船駒駟
夜風寒。

壬申七月十七日。將奔父喪。客舍待船便。

恍然疑夢涕滂沱。對月無言歎逝波。今夜懷鄉人幾萬。哀思誰有
似吾多。

奔喪海上沮風

風伯雨師何所曠。孤帆三日委漂淪。今朝始望芙蓉面。匹似他鄉
逢故人。

同人社忘年會 癸酉六年

敲斷欄干吟可凭。襟懷恰似脫鞵鷹。他時刮目相逢日。誰上文壇
最上層。

訪杉浦正臣

號楠陰天
台道士兄

甲戌七年

湖海相逢一笑傾。慇懃置酒故人情。天涯同是難眠處。雁語遙遙
木落聲。

春窓有感 乙亥八年

催花半日雨濛々。人在深沈簾幙中。万里圖南在何歲。雲鵬戢翼
待長風。

聞末廣鐵腸下獄

雪壓霜侵万木摧。蕭條滿目亦悲哉。梅花獨有回陽力。誰比心腸
鐵石來。

筆禍 丙子九年

一跌買來奇禍深。區々那用歎浮沈。隨身筆硯依然在。猶向陰房
寫此心。

囚居寫懷

惟事憑誰問。幽窓咄々嗟。蜘蛛如老吏。密網縛飛花。

囚中對石鐵山

窓外有危峰。其名呼石鐵。從容君子姿。突兀高人節。雲想古顏溫。雪看華髻潔。朝昏足良鑒。端坐仰明哲。

讀佛國革命史

事遂至此誰敢當。腥風捲地淒刑場。誤國失政非一代。不知時日復害喪。殺路易者即路易。誰言國民弑君王。因果轉輪環不止。積惡之家多餘殃。

入阿州 丁丑十年

綺羅雜沓競豪華。幾万人家沿水涯。兒女時粧明且媚。欲呼南海小浪華。

臥病五首

錄二予右腕有宿瘤。今春決潰。延醫切開。戊寅十一年

病魔魅我太亡情。藥碗繩床夢不平。已脫双刀腕無用。猶通万里眼能明。厨房肉乏鼠移怒。書葉香消蟬遂生。時有花間畫眉鳥。可憐近枕一聲鳴。

鶯遷喬木報青春。虛室抱痾橫此身。淡雪翻風無立脚。踈梅帶月見傳神。誤人史筆焚宜棄。阿世儒冠殺猶仁。賴有楚辭忘寂寞。獨醒憔悴憶湘濱。

醫戒止酒故及

別後寄杉浦楠陰

牽得歸帆三日留。一燈打破十年愁。如今君去暮雲冷。雁語蟲聲不耐秋。

奉母歸省

戰塵漠々九州山。漸見王師奏捷還。江上秋來淨如拭。潘輿奉母

向鄉關。

先考七回忌辰。淚餘賦此。

千里奔喪哭墓前。暮煙黯慘雁來天。星霜七換猶疑夢。遺愛風蘭憶昔年。先考愛盆蘭

拉中學校生徒。上松山城。已卯十二年。

三疊城樓百尺高。土功無物不民膏。經營畢竟成何事。春雨蕭々長野蒿。

同柘植武憲。游石手寺。

花落長堤綠意濃。場來山寺着游蹤。不知古佛何靈在。立盡門前看老松。老松海內名松之一

同岩村權令。釣石手川。分韻。

纔離城市覺春酣。一道江流欲放藍。半日好爲垂釣客。桃花三月

百花潭。

詠史

一部遺篇百世謨。凜乎千歲起懦夫。淋漓筆墨存餘滴。寫出血流潭杵圖。佛國革命之變。盧騷民約論。力居多云。

同中學校教員三津泛舟

滄浪之水碧溶溶。濯足清流豁我胸。此景他年應入夢。淡煙微雨小芙蓉。伊豫小不在與居嶋

自題寫真

蹇蹇元期古士風。蒼顏瘦骨髮如蓬。看來笑殺鏡中術。不寫胸間吐白虹。

留別諸友

聞斷雲津過雁聲。秋風四歲滯龜城。若微青史一生債。那向紅塵

千里程。燈下論文他日思。樽前惜別此時情。再游何日重交膝。滿引酒杯肝膽傾。

發松山

一別并州似此行。歸鄉却有出鄉情。入眼江山皆熟面。暮雲天末望龜城。

同松筠霞城兩兄。飲鴨厓樓。時惡疫流行。官禁納涼。

橋影山姿盡舊情。涼床空見翠煙橫。天公似做騷人計。不使絃聲亂水聲。

同末廣鐵腸。赴上毛嶋村演說會。庚辰十三年

白壁青裳映夕陽。蠶村風色近生光。家家不用鄒翁說。五畝田園盡種桑。

賀遵古堂同人某新婚

前緣結得赤繩歡。深夜洞房華燭闌。試問鴛鴦被底暖。何如遵古塾窓寒。

過沼垂。舟中臥作

枯荻殘蘆風颯然。雁聲夜落古江烟。家鄉千里應思我。我亦思鄉獨在船。

赤塚途上

東風旖旎酒旗翻。到處人家午掩門。牛背牧童去何處。桃花村接杏花村。

下刀根川

十載江湖寄此身。素衣驚見化緇塵。昨朝山屐衝雲客。今夜篷窓聽雨人。

澱江 壬午十五年

幽事誰俱語。西窓抱膝吟。孤燈三歲客。一劍半生心。月影搖鷗背。櫓聲宿柳陰。多愁何以解。蕭寂澱江潯。

同長城中嶋信行中軒澤邊正修桃山看花 癸未十六年

一望隴頭蒸絳霞。桃源到處醉歌譁。吾儂別有賞春訣。古寺門前遠看花。

同河津祐之。宿鴨厓萬青樓 甲申十七年

鶴背楊州十歲游。絃歌曾泛木蘭舟。一燈分照兩人影。夜雨東山冷似秋。

扣舷 丙戌十九年

茫茫弱水一周游。到處江山慰客愁。釣竿敢掃珊瑚樹。扣舷直欲向滄州。

城山

來吊英魂多所思。山谿唯見夕陽悲。城山雲霧櫻洲月。長護先生

一斷碑薩人稱南洲翁單呼先生

琉球

茫茫萬里斗南秋。嶋影流如水上虬。自笑江湖游未倦。孤帆載月入琉球。

餘勇征蠻開我疆。洋洋皇澤及遐荒。南門不讓北門急。海濶天空憶八郎。

八重山嶋

舟行鯨浪鰐濤裡。人在瘴烟蠻雨間。指點洋心浮寸碧。鶻搏天處是臺灣。

入長崎

山護帆檣浪不驚。凭欄一醉此心平。最憐夜雨如琴筑。不似今朝

捲怒聲。

函館

一死酬君志所期。五稜郭外姓名垂。行人墮淚低回久。戰後江山碧血碑。

宗谷岬

周游賦到北門秋。射眼風濤湧萬愁。隔水海燈相對立。孤帆夜過鄂羅州。

金華山

長風鼉背一周游。萬里聊消十歲愁。看盡蜻蜒洲首尾。金華山色送歸舟。

哭兒

兒名六藏。明治十九年十月十七日病亡。葬于橫濱久保山。享年五歲。

我有一男子。花下常游娛。驚騏未可知。風丰頗類吾。偏期趨庭日。

琅琅聽啾唔。那知造化戲。忽奪掌中珠。恩愛真夢幻。呼天空長吁。

山龍堂病院即事 戊子二十一年

藥爐經卷一床橫。也似維摩示疾情。寂寂春窓何所見。落花如雪撲簾旌。

香山養病

浴罷溪樓奈獨何。一簾嵐翠夕陽過。山風忽送前山雨。臥見雲烟變套多。

過伊豫海。寄懷松山舊友 己丑二十二年

曾游回首一傷情。只有江山依舊清。遙思故人眠不得。曉雲殘月鎖龜城。

內海

渺渺浮槎海作家。隨鷗萬里送生涯。船窓亦有風流處。挿見秋芳

幾朵花。

玄海洋

海門一出望茫茫。萬里長風送晚涼。爲客十年無此快。滿橋明月過玄洋。

下筑後川 庚寅二十三年

昨日寶曼嶺。迎人立馬頭。今朝溫仙嶽。送我揖中流。形勝看不足。再游入九州。扁舟載孤夢。晚下碧蘆洲。

入肥前

豐山筑水共悠悠。正是農功過麥秋。一路薰風歌互和。挿秧時節入肥州。

仁川客舍有感 辛卯二十四年

牝雞晨唱國無寧。社鼠城狐滿掖庭。隨處路傍聞鬼哭。陰燐吹雨

帶餘腥。

小飲 壬辰二十五年

一領青衫舊酒樓。絃歌彈出半生愁。樹猶如此人何耐。暮雨蕭々殘柳秋。

轉居

功名畫餅付軒渠。大隱城中卜我居。幾處相隨唯筆硯。一車所載半琴書。簷高淡月時窺坐。礎濕青苔自上除。門距市塵纔咫尺。鳥聲繞屋似村墟。

晚春 癸巳二十六年

歸田計未成。暫此托幽情。屋後山通寺。門前水入城。晚花延蝶舞。夏木着蟬鳴。高臥南窓下。閒聽午磬聲。

夏日

門外塵如火。愴然臥草堂。掃愁嘗有術。醫俗豈無方。官冷家居靜。心閒夏日長。薰風吹不斷。竹影上涼床。

函山

纔入函山裡。仙寰別有天。窓間抽亂嶂。枕上迸飛泉。雲影觀禪悟。鐘聲斷衆緣。人生時靜養。三日此來眠。

養痾

養痾無一事。痾疾本煙霞。鴨綠門前水。猩紅屋後花。青山開北牖。白日讀南華。人生悠悠足。風塵不用嗟。

同香國仙史土居通豫泛舟藍水 甲午二十七年

金華山上澗松秀。金華山下藍川奔。扁舟來訪日之夕。銜杯萬感隨波翻。中流停棹楚歌冷。滿目烟樹山河昏。可憐石鷄鳴不斷。似吊英雄未死魂。土俗云。織田右府靈化爲石雞。訴冤。

偶感 乙未二十八年

蚌鷓爭休漁父歌。沙場白骨恨如何。凱旋門外月如晝。獨有啼鷓吐血過。

訪長城中嶋子於小磯

波濤漠漠月晶晶。衣上新涼水樣輕。雁語虫聲秋色色。銀河倒蘸一星行。

寄友人

柳條折盡故人稀。幾度春風心事違。欲對梅花破愁寂。冷香狼藉雨霏霏。

高臥片瀨村養痾

高臥滄浪上。終日弄煙霞。柴門雞犬靜。時停故人車。倦來對山睡。醒則讀南華。行藏只自適。悠然坐試茶。

春興

野趣園林好。春風入竹扉。雨餘青豆熟。燒後紫薇肥。江淨鴨爭浴。花繁蝶懶飛。門前月將上。兒女醉歌歸。

宿奈良

也作和州十日游。江山隨處儘淹留。寒蹊落葉名祠晚。尖塔斜陽古寺秋。一代功臣遺像儼。千年勝迹老僧愁。遠來誰賦興亡感。微雨啼猿獨倚樓。

高野山

八朶蓮峯妙法場。寺名最好是金剛。千年古柏猶浮翠。一點慧燈長放光。人笑姦雄爭佞佛。我驚貧衲勢凌王。山房獨夜乾坤寂。只有寒泉滴曲廊。

真田庵

在高野山下真田父子隱栖之地云

野服白綸巾。潛龍混世塵。高風興志士。餘澤祭遺民。今俗稱真田紐。高野紙物。當時真田父子所創云。三代史長照。百年苔尚勻。蕭蕭小祠畔。吊古立行人。

病中寄飯塚西湖 丙申二十九年

浪速古都地。再逢花柳時。病鴛疲險路。野鶴自高姿。我試新方藥。君耽五字詩。萍蓬同作客。何日共歸期。

同松筠四明兩兄游東山

嘉會春酣日。把杯凭畫樓。東山紅雨濕。鴨水翠煙浮。長袖能添興。清樽可破愁。人生如寄耳。秉燭半宵游。

送土居香國之臺灣

讀書破萬卷。萬里此壯游。偉哉土居氏。笑上南溟舟。臺澎新歸我。炎塵仍未收。丈夫貴時會。王師期宏猷。八月秋風爽。皎見銀河流。淋漓酒酣處。拔劍指刀牛。

須磨避暑

獨夜須磨浦。凭欄掃客愁。笛聲吹夢遠。松影染衣幽。配所誰觀月。浮生我感秋。詞豪何處去。題詠跡長留。拂衣逃火宅。散髮臥滄洲。海濶濤聲湧。天高雁影流。一尊誰共醉。萬里獨空愁。月白蘆花亂。浩歌驚宿鷗。

壽永元愿双賀

翁也古稀媪華甲。春風和氣簇高堂。令孫遠膝團欒座。長子馳名翰墨場。如此賀筵多不見。由來仁者壽而康。君家別有金丹術。請以靈方施四方。

駿遠途上 丁酉三十年

荒城猶在眼。驛樹夕陽春。野濶英雄出。山高神秀鍾。春風吹碧艸。暮雨送疎鐘。駐馬敗興地。蒼蒼雲萬重。

丁先師月洲巖垣先生二十五回忌辰恭賦

一代儒宗去騎鯨。長傳遵古學風清。壁間遺墨淋漓在。髣髴如聞警歎聲。

過八軒家有感

枯柳西風古渡頭。蒼茫何處問曾游。繁華無復當年跡。幾點寒星照碧流。

秋夜

良夜耿難寐。褰衣步古丘。鳴蟲埋屐齒。斜漢落眉頭。喬木先離夏。虛懷早感秋。低回觀物變。憂思何時休。

過天龍寺訪峩山禪師

平生唯好靜。偶過古僧房。松影翻香案。泉聲迸石床。雲歸露細徑。花謝冷空廊。一榻參禪夕。機心且得忘。

熊野雜詠

石棧穿雲百尺危。觀潮嶺上立多時。攢峯峭壁千重路。熊野之奇始自茲。觀潮嶺

嶺態峯姿起伏雄。猿聲斷續翠微中。浩歌放棹下清峽。倒裂盤渦天半風。下九里峽

身入積嵐層翠中。路通一綫午冥朦。巖頭不見豪僧立。獨有飛泉吼半空。那智觀瀑

江山逶迤護帆檣。醉倚長欄夜色蒼。隔水紅燈涼可掬。風光此處亦仙鄉。勝浦

須磨

一臥水鄉無限情。場來頓覺此身輕。尋秋又到須磨寺。村雨松風斷續聲。

送古澤知事赴石川縣 戊戌三十一年

寧知行路難。今日尙如此。寒日暗長程。斷雲催短晷。吾徒久數奇。世事倍澆詭。遠別意無窮。馬嘶風雪裏。

金川秋感

殘蘆衰柳月窺簾。一曲絃歌上玉纖。莫向樽前唱秋夜。曲名鬢絲明日幾莖添。

寄日柳三舟

浮沈宦海十餘年。自笑萍蓬跡屢遷。京攝山河牽舊夢。武相風月屬新緣。一床消夏無長物。幾首驅愁有小篇。莫道滄洲路千里。扁舟繫在斷磯邊。

函山 己亥三十二年

急裝侵曉出塵寰。身落湖雲祠樹間。唯有梅花怡我眼。荒雞落月

古函關

尾道客舍逢古澤知事。有詩見贈。風塵薄官共堪嗟。潦倒相逢海上家。剪盡寒燈同聽雨。不知今因次其韻。

世途回首一長嗟。海上相逢不憶家。只憾匆匆難話盡。東西明日各天涯。

馬關春帆樓

鴻爪茫茫跡半磨。重游回首夕陽多。欄干亞字曾憑處。醉對江山奈我何。

賀岳父塚本紫陽翁古稀

養性延年自有方。果知仁者壽而康。奚疑天命酒三酌。看破浮生夢一場。犬吠柴門認仙窟。禽啼竹院似僧房。兒孫繞膝芝蘭秀。無限春風入玉觴。

筓崎

廟面廻瀾勢崑巍。誰知神意在危微。煌煌宸翰今猶古。長使扶桑倚德威。

嬉野溫泉

吟行得得弄芳菲。沸沸靈泉湧石磯。領畧先賢浴沂意。春風一路詠而歸。

京都

白馬金鞍風不寒。繁華猶屬古長安。楊州夢斷十餘歲。夜雨東山獨倚欄。

重游金華山

鬱鬱澗松秀。金華鍾秀靈。一道飛泉落。千巖幽蘭馨。丹丘浮六氣。翠崖生茯苓。羽人在何處。白雲鎖巖扃。人間不可住。仙境喜重經。

一嘯最高頂。浩濤來北溟。

地藏埼燈臺

翠崖高百尺。巉岩老松蟠。上有海燈照。明滅戒危灘。舍艇攀鳥道。殘月懸林端。候蟲咽風冷。野花泣露團。時節已如此。忽覺幽思攢。

內海

也將牢落寄天涯。萬里秋風別路賒。一笑潮聲聽已慣。船窓夜坐似吾家。

辛丑除夕 辛丑三十四年

除夕何所思。風雪暗衡門。黃土故人逝。青雲熱客奔。功名遂何物。百年幾人存。萬卷歸一悟。風幡即心幡。六祖故事寒梅笑南舍。更鼓湧東村。冷懷宜獨酌。坐伴燈花昏。歲徂不須逐。春來何用援。時節任來去。酒盡枕空樽。

官舍夏興 癸卯三十六年

清泉澆砌正斜陽。散帙收來坐晚涼。又喜薄官閒事業。一盆養得紫蘭香。

五嶋玉浦

海國風烟娟萬松。停橈猶憶舊游蹤。海程已過三千里。看盡西南一百峯。

馬關

千帆似箭急潮流。知是海門灘盡頭。鼓子花寒人不祭。亂蛩荒月古墳秋。

灘盡山圍一市開。絃歌人醉幾樓臺。夕陽獨吊彌陀寺。唯有秋潮送恨來。

鬼城西河通微來訪。不相見二十一年也 乙巳三十八年

一盤雞黍兩心開。話到曾游萬感催。詎料江湖身未死。梅花細雨共傳杯。

鬪體 旅順港夜泊中之作 丙午三十九年

沙場百戰過。朽骨沒草莎。九聖惟如是。死生終什麼。深閨曾入夢。堅陣昔揮才。撒捶人無問。撻蓬纍纍多。

再游京城。客舍有感

艤艫蔽海憶當年。客舍招魂獨不眠。曾是將軍陣營處。倭城臺畔月如弦。

萬歲舞 丁未四十年

萬歲來兮萬歲來。街上兒女歡呼催。鼓聲鏗鏗太平頌。家家呈賀瑞色開。春駒不嘶鳥追默。春駒鳥追共迎春戲曲名物換星移今非舊。獨有此叟存甌羊。素袍烏帽舞歲首。

江亭限韻 昔社 課題

終日江亭上。忘他市井聲。林丘鶯語滑。浦澈棹歌清。微雨花皆醉。春風客解醒。無端又惆悵。戍角隱孤城。

湘南梅雨

魚鰕混跡掩柴門。淫雨江南烟樹昏。猶有浦雲埋不得。一竿紅閃酒旗村。

移竹

梅雨門巷靜。苔氣上草堂。檢曆知迷日。竹醉日一鋤地種翠篔。坐覺稱竹迷日北窓下。屯雲影蒼蒼。相看消鄙吝。伴此夏日長。幽懷有所託。為吏亦不妨。

消夏

消夏有何法。幾人與我同。杜門辭俗駕。開戶納林風。無事身宜懶。

一牀心見空。悠然微醉後。獨步竹聲中。

訪菊

野碓無人路橫斜。槿籬多是藁馳家。東台山下西風冷。白髮重來訪菊花。

題嵐山圖齋藤松洲筆

崖樹蒼蒼舊釣灘。溪雲峽水夢空牽。可憐游子天涯老。烟雨家山畫裡看。

曝背

老餘何所樂。冬暖氣如春。危世爲狂客。太平作逸民。詩酒存故態。夢幻悟前緣。曝背南軒下。霜禽狎近人。

新年買書昔社課題 戊申四十一年

新年入城市。買得種藝書。楮葉兩三卷。可以抵五車。我有田二頃。

久委狐兔墟。就荒雖已久。及時期荷鋤。釀酒宜種秫。供餐宜蒔蔬。新笋脆堪炙。早菊香可漉。又有妻女索。半畝付甘藷。案頭一讀去。自覺師有餘。清明節已近。穀雨將吹噓。春盤陶然醉。燈前多歡娛。岩溪裳川評。優摩長慶之壘。殆亂楮葉。邦人古來攻此體者。字步勾趨。徒取其貌。神則失之。予始知天葩君私淑造詣所在。敬服不措。

春日漫興

長安漲銅臭。終日不開門。細雨書三帙。春風酒一尊。蔬青抽雪解。梅白破林昏。寄傲南窓下。詩成誰共論。

夏日漫吟

衡門半掩白蓮灣。槐影如雲午夢還。何必江湖逃暑去。悠悠朝讀暮吟間。

快雨

車馬長安到處羶。昏昏人醉利名纏。碧翁自有掃除手。駢使群童落九天。

始聞秋風

雨過疎簾冷。林梢風有聲。臨歧規子弟。閱世笑功名。破壁燈光動。斷雲梧葉驚。山童呼不起。開戶月晶晶。

古重陽

勞勞匹夫走。揚揚駟馬驅。人皆有所求。我獨臥吾廬。長子已負笈。遠游酬懸弧。次女常侍膝。彈琴助我娛。何以迎佳節。山妻當寒厨。東籬掇落英。杯盤設芳蕪。富貴元非願。所願在心愉。好酌淵明酒。自畫偕隱圖。

老將

白髮蒼顏躬似弓。曾經萬馬疾驅中。當年意氣未消盡。猶說搴旗破陣功。

雪夜有感

蹉跎志業奈無成。霜髯空慙夜雪明。翻喜兒童猶未寐。隔窓時聽咿唔聲。

蓮舟翁評。夜雪與霜髯相照。慨志業無成。猶舉後來之望。付囑兒童。以欲使嗣已志。可謂經營慘愴之作。

歲抄放歌

老狐叫飢天欲雪。破爐寒燈坐兀兀。萬繩難繫赴壑蛇。一年一夢今將別。年少曾濺賈生淚。老大空抱維摩疾。回光誰覓安心法。舉世多佞黃金佛。象牙焚身彼自招。鳧脛續短亦痴絕。茅茨有何陋。裘褐宜守拙。不若隨緣了此生。簪笏終歸青塚骨。燈前笑斟酒一

壺。壺中有春天地豁。

結城蓄堂評。慷慨激越。可以歌。可以哭。年少曾濺賈生淚。即是先生自傳。收局放逸飄舉。神味近謫仙。又云。余少年曾從先生。游說山陰。讀之不堪今昔之歎。

題蓬萊山圖 已酉四十二年

雲烟縹緲瑞烟敷。樓閣隱見看如無。山下有橋紅欄映。萬松蒼鬱仙禽呼。畫者爲誰柳淇園。傳家一幅蓬萊圖。年首高堂例掛壁。春風滿座醉屠蘇。蓬萊在何處。莫言在海隅。畢竟忠孝之家。即是神仙居。世人求福漫馳外。捨頭覓頭真可吁。

蓮舟翁評。意到筆隨。末段更發揮大道理。小題大做。最觀手腕。

早春閒行

掛杖青錢百。吟行不厭遲。人邀新識友。柳見舊攀枝。野燒生些綠。溪流動細澌。春光何處早。應有浴鴨知。

詠石

元是山中物。何年落世間。猶含雲外氣。不改古來顏。俗士漫嗤醜。高人獨愛頑。冷然苔席上。伴我竹窓閒。

送某歸于朝鮮

我初識君澗江湄。凭欄同賞碧漣漪。胸間磊塊說不盡。煌煌銀燭照玉卮。底事世途忽變幻。蹭蹬似履薄冰危。讀史嘗聞清流禍。寧知今尙有如斯。一棹滄洲我泛海。陋巷環堵君伏雌。一別匆匆廿餘歲。雲山莽莽夢空馳。忽聞君拋筆。從軍遼東陲。又傳君賣劍。垂釣漢江磯。草堂梅花漸開。幽居養痾掩柴扉。忽有剝喙故人到。一笑呼酒交喜悲。剪燈語盡當年事。別來歲月鬢毛知。百年昇昇

誰不朽。滔滔走肉與行屍。請君更引滿。人生貴放懷。自此餘生悠
悠。戲人間。共觀幾番傀儡上場來。

蓮舟翁評。世態交情。歷歷描來。筆力遒勁。足摩中唐名家之
壘。卑見所在。錄別箋。敢仰高誨。

初夏即事

草堂深鎖翠篁烟。窓俯早秧千頃田。最是一年風日好。江南五月
麥秋天。
夙觀世事比雲烟。歸臥家園二頃田。荷疊青錢清貼水。麥翻銀浪
遠連天。
遠簷新樹帶蒼烟。想見農功入插田。自笑城居還不惡。松魚上市
子規天。

新秋書懷

露冷蟲聲峭。秋風獨掩關。無功空白髮。有夢只青山。世路崎嶇裏。
生涯落拖間。緇塵染衣化。書劍幾時還。

夜堂

夜堂何所伴。一架百家書。希古力嗟薄。慨今才奈疎。養蘭懷九畹。
咬菜咏三餘。同調隣翁在。剪燈談太虛。

次韻鬼城南山新居

築開一面納南山。詩酒憐君老此間。咫尺京城塵不到。清泉白石
自仙寰。

人生唯是一枝栖。食有藜羹石可題。他日訪君雲漠漠。漁郎笑指
第三溪。新居地稱
第三溪

矢口懷古

去歲南海將星歿。今年北雪勇士蹶。大厦傾來天慘愴。南山烏頭

獨空白。此時孤軍嗣乃父。八州之野如捲席。遺恨渡河陷毒計。憤死爲雷尙擊賊。有客來吊興敗地。渡頭日落大江碧。猶有里人祭餘靈。一簇荒祠楓葉赤。

新年雪四十三年庚戌御題

白雪霏霏點綴新。家家賀瑞醉嘉辰。誰知天意在高潔。埋盡長安萬丈塵。

奉壽四明兄六十

樓對東山枕水湄。悠然高臥古人姿。洛陽風月藉靈筆。關左俳諧推妙詞。伴子池魚游倍靜。添孫窓竹碧逾滋。始知富貴輸閒適。佳氣融融滴壽卮。

家接四明山下村。茅軒瀟洒絕塵喧。茶烟禪榻伴三昧。月夕花晨酒幾尊。猶憶趨庭同承教。不忘飲水遠溯源。幸存遺體君兼我。肯

搆肯堂酬渥恩。

蓮舟翁評前詩後聯十四字。叙眼前景。而影寫四明翁家庭妙甚。後詩七八。不忘先考之遺德。現下之門門。隆盛相期。孝之至。

待花詞

一庭猶有甍班雪。北風如劍雲欲裂。關戶空學跌座僧。支寒吟骨如屈鐵。池塘春草何日青。江山芳尊夢空渴。一夜微雨催紅聲。冰花漸讓百花纈。起步後園東風輕。遷鶯數轉弄簧舌。陽和使者早到門。相迎一笑展齒折。

入九州

幾夜舟車夢。無端入九州。寶山抽列岫。筑水合諸流。沸沸靈泉湧。溶溶霽日浮。曾游誰共說。莫恠獨回頭。

東輿途上

平原一路絕塵寰。身落亂雲荒樹間。伯樂不到秋又老。馬群空散夕陽山。

函館客舍有感

形勝依然壓北陲。江聲岳色帶餘悲。黃雲猶護五稜廓。碧血空留三尺碑。昔日幽魂山鳥叫。當年壯志市童知。廢興如夢誰無感。半夜挑燈題一詩。

裳川評。予往時讀幕府亡臣吉田某。愁雲慘愴夕陽頽。戰歿故朋呼不回。一世壯心歸白骨。半碑淚雨濺青苔。水含宿怨浪相激。鳥吊幽魂聲尙哀。吾亦西歸將就戮。何人他日哭今來。詩聲淚共下。黯然魂消。天葩君一律。是所謂哭今來者。其音悲悽。某與所作詩。略同其感慨。可謂一奇。

天葩曰裳川翁所謂幕府亡臣吉田某者就而質之乃知爲我亡友吉田三郎之詩感慨殊深嗚呼予詩偶得爲其所謂哭今來者可謂有宿緣。

上五稜廓

大厦傾來不可支。孤軍倡義亦男兒。廢濠殘壘今如許。落日秋風立幾時。

榴花

看到榴花雨似烟。枝頭噴火眼先鮮。笑他春艷多柔媚。獨立薰風不取憐。不恨春歸鎖翠烟。榴花如火照簷鮮。秋來結子幾多少。待見紅珠更可憐。

幽居

赤臺邀我好。暫此寄幽居。牆外蹊通寺。門前水滿渠。榴花欺火密。蕉葉動雲舒。小隱唯宜靜。莫言與世疎。

湘南雜興 錄一

偶尋碧水遯浮世。頓覺此心無芥蒂。誰識江山半日游。却優十歲誦千偈。

湘南山房新年 辛亥四十四年

城居多禮數。去訪小仙寰。起臥人心適。栖翔鳥性幽。井欄浮暖水。窓紙繪春山。何日携雞犬。優游老此間。

燈前梅影

瓶裡梅花香欲寒。羅浮仙夢未闌殘。平生竹外相逢客。却向春燈影下看。

暮春閒居

落花半榻颺茶烟。羸病人參杜撰禪。鬢白今欣厨有筍。衫青昔嘆食無鮮。浮生誰悟酒三酌。身跡自嗟詩百編。轉眼時光隨處樂。杜鵑啼過綠陰天。

晚步

獨步東郊上。春歸不見花。琴聲高士宅。燈影野人家。通市路多直。架溪橋半斜。綠陰呼渡處。雨意晚來加。

雨霽

雨餘快受半簾風。頓覺微痾雲共空。虛幌晴浮新竹翠。小庭午逗晚榴紅。曝衣殘蝶舞猶懶。脫殼一蟬吟未工。已見隣翁先我去。釣船繫在碧蘆中。

犬吠崎燈臺

小濤如鼓大濤雷。亂立巉巖望快哉。更有海燈高百尺。轉回萬丈

燄光來。

次西河鬼城見寄詩韻

託跡烟霞領別天。悠悠詩酒學神仙。居纔容膝竹爲侶。食足醫飢魚自鮮。靜座何人磨古鑑。退耕有友寄新編。一籬忽送豆花雨。方覺嫩涼浮榻前。

夏興

抱甕灌庭砌。涼颼起夕昏。荷香翻硯席。蕉翠蔭柴門。有人聳吟骨。何處足醉魂。愴然我思遠。高樹月移痕。

幽思誰共語。獨酌座黃昏。涼月自懸樹。晚潮來入門。引僧時供飯。修祭例招魂。一葦迎秋早。莎叢露有痕。

秋興

暮雲歸鳥點疎林。幽興秋來愜素襟。蟹有何忙行郭索。蟲如苦訴

語呻吟。揚眸誰見化機妙。裹足獨逃塵海深。破壁青燈形伴影。一尊空寄半生心。

壬子四月一日。昔社雅集。紀念祭詩 大正元年

洛陽詩客才翩翩。風雲月露爭後前。別樹旗幟有昔社。騷壇百尺開一天。誰爲盟主田蓮舟。詩膽如斗筆如椽。不逐時調不求售。舊雨盍簪二十年。風流絕世文字飲。詩稿積到二百編。茲歲陽春日卜吉。祭詩對酒醉芳筵。君不見清明時節花灼爛。地敷青氈天繡幔。孰與編中各體三千首。妙葩奇芬相競燦。

白芍藥

千紅萬紫嫁春風。紛委香殘短夢中。人到將離殊有恨。翻階一種色成空。

次韻岡崎春石

三月花飛風物新。幽期猶喜屬閒人。池塘草色少年夢。客館鶻聲
白髮春。高臥只須全野性。餘生不妨養天真。老來得得行吟好。何
用揚塵驅走輪。

流螢

忽聽兒童叫。幽庭亂野螢。受風光急轉。帶雨火愈青。蘋末疑連玉。
篋梢似繫星。涼宵吾愛汝。宜醉又宜醒。

團扇

身相類明月。功德起清風。盛夏爭寵用。所樂非榮通。涼秋忽見棄。
所悲非醜窮。有似得道者。行藏與汝同。莊子云。古之得道者。窮亦樂通亦樂。所樂非窮通也。
裳川評。假題寫意。唾棄凡想。比體之妙。能事已畢。聞此詩昔
社席上作。滿座諸士嘆稱不措。宜矣有其事。

洗竹

叢竹濃陰掩砌莎。小僮解事洗繁柯。故人時與清風到。月影多於
昨夜多。

新篁

憂玉風聲好洗心。新竿已見散清陰。始知醫俗無多子。但要幽居
有竹林。

片桐且元

事與心違奈國何。空思付託淚滂沱。轅軻守義獨君在。不似勳臣
失節多。
大廈雖傾猶足持。奈何群少誤時期。當年倘使用君策。家國存亡
未可知。

秋風

青燈影暗月微明。葉落西簷雨欲鳴。雁語蛩音砧杵響。遞來都作

斷腸聲。

老子度關圖 癸丑二年

有客騎牛双耳垂。東來紫氣知屬誰。道德五千言著述。呂韓莊列
皆師之。請見谷神不死語。其人千載生存斯。其人在斯道隨在。猶
龍之德不可追。

飛行機 昔社課題

昨下潛行艇。今放飛行船。智巧駸駸爭後先。次第奪得造化權。漫
漫九淵旋自在。茫茫八極舞飄翩。升天入地如探物。凌波馭風人
欲仙。嗟乎智不伴德進不遏。或怕此物化妖孽。國相攻兮民相屠。
天降火雨海漲血。本詩係大正二年春作。其後所謂世界戰。彼裂彼
我攻防。競用此器。殺戮極慘。此詩為識可謂奇。

盆池

盆池瀟洒長菰蘆。作隊游魚亦險噉。欲棹扁舟歌欸乃。我家咫尺

小西湖。

金川一旗亭。與遠洋漁史。湯河飲。壁間偶揭聽雨翁游

日光詩。漁史次韻先成。予亦傲擊。

亞字欄干面海風。總房山色一帆通。剪燈話到曾游跡。人在蕭蕭
古驛中。

夜步次韻

清夜步九衢。朱輪織來往。高樓照銀燭。絃歌蟬噪響。掃衣去城外。
烟樹月亦上。幽好有如斯。奈何付孤賞。

夏日即事

門巷蕭然好。塵緣一半空。繭黃思婦德。秧綠見農功。籜解微風裏。
鷗呼小雨中。竹窓凭午榻。無夢到窮通。

六十誕辰自壽

少年辭國走風塵。豈意瓦全迎此辰。一事笑吾餘措大。兩窓燈火讀書人。

誕日招飲同人。自壽索和

庭竹添兒翠影勾。丑年六十誕辰新。自甘吏隱門常閉。空惜駒馳書只親。爵祿於人誇富貴。烟霞唯我養精神。故園猿鶴倘相問。今日薜蘿纏此身。近將致任轉結及之

致仕後漫吟

殘駭乞去臥衡門。滿榻清風月上軒。我讀吾書酌吾酒。人間始識布衣尊。

有感

蜂爭蟻鬪事無窮。清節何人答聖衷。吠畝老臣空有淚。春窓獨對一燈紅。

謁乃木將軍墓

青山松柏冢纍纍。中有乃木將軍碑。碑僅三尺字纔數。悵然回首懷英姿。志士仁人義所執。懦夫聞風志能立。將軍一死回頽波。壯烈長使鬼神泣。昨見遺墨感遺詞。今日掃苔多餘悲。一片威靈留天地。此心自有蟄龍知。

秋興昔社雅集分韻得蕭

半生如夢髻毛凋。每憶曾游魂欲消。詩酒重牽無限感。敗荷殘柳雨蕭蕭。

林子平

日本橋下水。直通歐羅洲。一言破天語。驚倒肉食謀。海國審形勢。談兵多殷憂。一編注心血。買禍為孤囚。古人復難起。六無歌空留。今日逢昭代。身後有千秋。

古松

官舍雖接市。一境自幽清。軒前有古松。偃蓋日月擎。云是開港前。此地斥鹵成。中有天女廟。樹色青薺平。豈圖桑海變。忽現一市城。鷗津橫彩橋。鷺洲連翠甍。紛紛絲管起。車馬萬雷轟。無人顧靈跡。競爲名利爭。此樹真君子。與俗不竝榮。偃蹇張鬣髯。獨持蒼龍精。嗟予久住此。相對懷抱傾。茯苓露底長。鳳凰風前鳴。無端別老友。日覺鄙吝生。一夜空相憶。難訂歲寒盟。

平重衡

看到興亡心又摧。一門西海有餘哀。最憐獨作楚囚客。却被歌詞傳艷來。

讀徒然草 甲寅三年

蚤入不二門。無爲是爲師。意緒春蠶吐。織成絕妙辭。月賞多隱影。

花憐半在枝。人生薤露濕。富貴浮雲危。超然游物外。萬事歸希夷。一編徒然草。錦繡包所思。

裳川評。語不假彫琢。意自窮幽奧。遠思樓以後。始觀此什。着意於比擬之外。髣髴如讀徒然草。即是自然妙處。謂之神貌兼得也。

賀海國日報十週年。太刀川社長囑

萬里東瀛水。洋洋護帝基。航安致方貢。漕便利通資。譽謬論千策。縱橫筆一枝。江湖十年業。內外稱譽馳。

甲寅四月七日。任錦雞間祇候。遠洋漁史有詩見贈。一擲功名掩竹扉。春窓日永客過稀。詎圖鳳詔從天下。復使閒翁解布衣。因次其韻記喜。

殘軀初服臥柴扉。花落禽啼塵事稀。忽有春風傳鳳詔。天恩重着

舊朝衣。

夏日即事

亂蟬鳴罷正斜陽。浴後欄干多晚涼。忽覺微颺清襲骨。一盆茉莉雪吹香。

有感

征西底事限孤城。禦侮無人奈國情。豫識平和回復後。應聽四面楚歌聲。

感興錄一

濁酒園蔬事足。竹窓高臥涼生。林深野鳥無語。瀨淺溪泉有聲。

園居書懷

園居宜養靜。不用說窮通。伴子魚成隊。添孫竹作叢。開尊浮霽月。掃榻引清風。幽意陶陶樂。何人與我同。

六代墓

一字荒祠門半扃。徘徊吊古杖頻停。平川訝見鬼燐起。螢火幽吹冷焰青。

甲寅十月念六於星岡茶寮同巖門先輩賀杉浦重剛

號天台道士任東宮侍講

毓英辛苦卅餘春。門下才髦濟濟新。侍講東宮崇政殿。義先調護有斯人。

雨森蝶夢。通稱菊太郎月洲先生未男出冒他姓招飲舊友山田石叟席上

有詩次韻賦以代謝。

乾坤別有鴨厓居。樓扁曰剛是別乾坤蕊翁筆相見披襟晚照餘。借酒且回顏頰頰。剪燈難掩鬢毛疎。水明樓下心先洗。山紫簾前眼自舒。蹣跚辭門寒月好。浩歌聯屐不須車。

飲酒二首

雨餘庭院靜。涼露滴晶光。葵花傍南苑。萱艸依北堂。微性尚如此。世道今也荒。獨座唯顧影。且酌手中觴。憂懷初得解。哲人在醉鄉。

其二

駿馬馱痴漢。巧妻伴拙夫。以上成語休言世間事。只須對玉壺。壺中有樂地。朝昏足清娛。人生浪自苦。戕此百年軀。善哉劉伶輩。思哉彭澤徒。

歲晚聿水

伊東祐忠

過訪。席上有詩。次韻兼似遠洋。曩聿水

養病函山。與遠洋唱和。六句及之。

林扉剝啄宿禽驚。一笑相逢萬慮輕。生死百年歸且暮。干戈列國決輸贏。三杯酒引論交感。數首詩傳慰病情。醉唱長歌同餞臘。燭光半夜落還明。

豐嶋脊齋宅。有一古梅。花期例招同人。今春亦有約。予

偶養病湘南不赴。寄詩謝之。乙卯四年

茅屋蕭蕭泉石間。春寒三日掩紫關。老來又負看梅約。休道閒雲懶出山。

次遠洋見似城西雅集詩韻寄懷

鶴長兼鳧短。萬化我甘痴。笑撫千絲髻。閒刪百首詩。樽空謀老婦。柑熟待孫兒。梅柳促春服。追隨似有期。

夜雪

夜雪沙沙夢未成。書窓忽覺帶虛明。料知明日探梅路。吟屐双双踏此聲。

山田石叟古稀賀詞次韻其自壽詩

童顏白髮氣崢嶸。知是丹田養得成。隨處有歡詩自健。此心無競

夢常平。一尊酒延敲門客。千畝篁藏出谷鶯。壺裏長生真訣在。何須萬里訪蓬瀛。

艸雲書屋雅集次韻 錄一

三月陽春好。尋芳入武原。鳴鳩禊祠樹。歸犢夕陽村。野鳥呼如語。青山笑不言。艸雲環堵屋。古道此中存。

謁晃廟

萬山抽玉筍。千水跳白龍。神靈所呵護。磅礴秀氣鍾。溱溱雲盪處。金碧輝半空。雕楹與繡栊。傑構奪天工。憶昔關原役。一戰收霸功。治化推儒術。海內草偃風。建秦陌餘歲。遺澤徧日東。瞻仰肅拜立。巍哉東照公。

讀寒山集

寒山一部書。受用元無價。眼讀似吞丸。心通如噉蔗。

踏青五絕

春服踏青路。風前蝶舞輕。鞭聲公子過。裙影麗人行。
雨餘花尚潤。燒後草初萌。晴景連三日。綺羅爭出城。
花樹鳩呼雨。柳村鶯報晴。日斜人待渡。春水一江橫。
驢背多詩思。山隈與水涯。春風去年路。又訪野梅家。
扁舟楊柳渡。烟樹芳洲暮。埋骨果何人。路傍花下墓。

予歲六十有三。初得一外孫。字野重雄端午記喜

蚌胎珠始墜。一顆發光明。螢雪男兒業。蓬桑烈士情。門闌生喜色。繡被試啼聲。待見抱書冊。他時上小蠻。

謝人惠新茶

槐陰遶屋長桑麻。軋軋繰車聽不譁。忽有小筍來自洛。一欄紅藥煮新茶。

失題

誰失折衝計。齒唇如世讐。漁夫開口笑。志士拊胸愁。夜雨冷閨閣。平沙委鬪體。戰塵猶滿目。何日我思休。

松風洞主人

若宮茶謙見招乃賦代謝

一徑翛然苔石間。幽篁何處送潺湲。誰知咫尺黃塵裡。別有乾坤閒似山。

次天隨

久保見贈詩韻却寄

相逢却憾十年遲。一笑燈前話楚辭。魚腹精誠鬼成崇。蛾眉謠詠事堪悲。餘生愧我吟殊苦。健筆欽君才最奇。杜若洲邊端午近。獨醒恰唱大招宜。

游息山房雅集同遠洋聿水

錄二

殘生天所賜。長嘯臥滄洲。人在詩中澹鷗於水上。浮。三杯賞今夕。

十歲憶曾游。獨步中庭上。銀河樹杪流。

登音空谷響。相見海之湄。遺世一壺酒。論交幾首詩。松聲琴瑟韻。嶋影畫圖披。今日江山會。怡然慰我思。

次韻遠洋長者園題壁

慣聽漁問與樵鷹。秋後情懷擬杜陵。當檻夜山烟影合。隔林幾點認疎燈。

大正四年乙卯十一月。大禮之後一日。雨森蝶夢招飲。

同巖門舊友。嵐山觀楓

夢裡仙鄉共倚樓。山紅澗碧記曾游。紫宸殿上五雲氣。散作龜嵐錦繡秋。

詩仙堂

翠竹柴門北壑陰。千秋高調有誰尋。空牀三尺古琴在。猶見當年

物外心。

悼蓮舟

田邊太一先生

古氣兼風骨。瀟然一散仙。星槎曾奉使。詩國久持權。舊雨開吟社。艸廬親講筵。音容看不見。腸斷白門前。

寒夜聞霜鐘

窮陰促短景。夜色何崢嶸。繙書獨不寢。青氈守孤檠。忽訝天籟響。隱隱斷復生。開戶不見跡。中天寒月橫。一杵還到耳。始覺霜鐘鳴。栖鴉驚移宿。鬪鼠寂無聲。端的發深省。何人知此情。

草廬三顧圖

丙辰五年

火維欲絕天矇矓。沽兒屠叟皆稱雄。劉備百敗嘆脾肉。忽聞臥龍在隆中。一顧再顧且三顧。其才知與管樂同。艸廬忽定天下計。風雲際會氣吐虹。英雄能解英雄志。三炎傳德自今熾。遺恨大業垂

成時。大耳空棄漢天地。托孤遺命終如何。二表長留萬行淚。先主廟隣武侯祠。千古松柏相映翠。君不見一世之雄曾孟德。漫作疑塚七十二。

溪梅

溪橋南畔酒旗邊。幾簇梅花隔水妍。日暮東風春渡寂。清香獨屬釣魚船。

晚春寄友

懷抱宜幽靜。春殘感興多。聞雞慵起舞。嘆鳳欲行歌。時俗流逾曲。交情味共和。芳菲如夢寐。奈此白頭何。

魚蝦橋市近。味入晚羞新。閉戶違時輩。銜杯憶故人。芭蕉分首夏。躑躅駐餘春。浩蕩閒鷗鷺。相隨養病人。

止酒

三旬止酒只思茶。石砌古苔齊着花。猶有池魚吞墨戲。雨窓學字漫塗鴉。

加藤肥州

祖龍一去暗山河。奈此城孤社鼠何。魯論一章傳大節。托孤寄命苦衷多。

賦呈藹軒前農相

仲小跡廉

樓對林巒浮翠霞。詩書養性別生涯。欽君翻海掣鯨手。收向春園澆野花。

赤臺春興

赤臺多淨刹。勝景推專福。百尺爽塏上。萬梅環僧屋。境古佛亦靈。嵐霏鬱喬木。吾廬分翠岡。彩堂隔叢竹。花氣夕通牆。一壺醉芳麴。鶯聲晨度澗。三椀歎麥粥。虛室有餘清。那復云不足。世事任推移。

條然樂幽獨。

丙辰六月念五同昔社吟友東台祭詩

洛下百吟社。昔社最爲先。着鞭闡文運。寒暑廿餘年。文星昨墜地。寂寂慘秋天。衣鉢今繼紉。濟濟羅才賢。今歲梅黃節。東台尋舊緣。皓首與玄髮。一堂設華筵。酌來心血跡。二百五十篇。

春石

岡崎壯

評。隨手紀實。簡而得要領。本社蓮舟先生登仙後。諸君能繼遺緒。真爲可慶。僕雖驚下。將執鞭從其後。

雨窓

薜花侵砌水鳴渠。雨裏閒繙半架書。却喜門泥深一尺。絕無俗駕到幽居。

送人歸山

昔社課題

少留賣卜戲人間。歸夢迢迢遶碧山。一夜星關秋意動。赤簫吹罷

御風還。

題畫

赤松多古色。有士嘯其陰。心洗澗聲靜。息游雲氣深。

山房秋興

屋後千松翠。鳴蟬不覺喧。門無陶令柳。座有孔融尊。潮上魚鰕里。風淒砧杵村。閒居何所似。秋雨茂陵園。

崇岡結茅屋。歸臥掩衡門。磬歇玉藏院。佛留長者園。亭亭古松秀。滾滾大江奔。一夢曾游跡。西風獨倚軒。

清時宜放浪。嘯傲寄雲根。踞石迎山月。攀蘿趁嶺猿。漢庭已班爵。楚俗尚招魂。風露當餐宿。幽棲亦聖恩。

八月游息山房同人野集疊韻索和 錄一

涼氣入林樹。秋蘭媚後園。幽風誰補譜。湘水且招魂。宿墨詩題壁。

一盂蔬供餐。懶餘常謝客。此日始開門。

遠洋招飲次韻卜居雜詠五首同天隨聿水

林壑多高興。何須賦碧山。烟嵐隔塵界。花木劃仙寰。寄志漁樵境。置身軒冕班。幽居無一事。終日鳥聲閒。

暖房招飲日。一醉好忘貧。竹密禽求宿。徑幽童拾薪。新蟲匝階語。舊雨別燈親。老圃南隣在。退耕來日因。

崇岡臨野水。一境隔塵凡。花媚蝶仍舞。石頑苔未緘。群杉微靄拖。遠郭夕陽銜。堂上客常滿。誰披隱士衫。

新卜幽棲地。自言長守愚。緣岡楓點綴。沿水路縈紆。日昃禽方倦。菊殘松不孤。蕭條秋欲晚。門第接平蕪。

軒窓含嶽雪。萬古仰清標。浩浩天低頂。蓬蓬雲繞腰。溪間寒水落。樹杪夕陽遙。有此千秋友。相看破寂寥。

和陶飲酒七首

窮陰威何厲。萬木變其姿。忽逢一陽復。春信見南枝。閉門獨讀易。此意梅花知。水到渠自成。區區欲何為。日夕一觴酒。陶然忘塵羈。物我元如如。痴人漫隔之。貪愛生執着。役役過此時。飢食又渴飲。無事惟如茲。乘化游物外。抱一不復疑。囊頭酒已熟。一歡杯常持。白馬元非馬。紛紛爭非是。苟合輒成黨。李牛互訾毀。禍寶殷鑒垂。莫言今不爾。山中酒應熟。歸來從黃綺。

寒雲掩空渚。叫飢野雁飛。欲下恐緡繳。驚回聲更悲。雞暖鷺亦飽。

荆公詩。垣柵雞長暖。溝池鷺自肥。

憐爾獨無依。聞雁三歎甚。百計不如歸。躬耕力已

老。猶有氣未衰。一壺淵明酒。此心期不違。

弱齡志四方。寒燈伴六經。致君堯舜上。清廟告功成。慷慨擊悲筑。聞雞舞闌更。志不在一室。何為掃前庭。荏苒三十載。守牝不復鳴。

只餘醉鄉地。怡怡慰吾情。

陶愛東籬菊。孤酌餐落英。屈憐九畹蘭。獨醒違世情。醉醒跡雖異。千載我心傾。幽階紫蘭發。林園禽亦鳴。菊菹晚羞好。一尊樂此生。上古簡易俗。世降漸失真。一朝馴戰勝。驕奢代撲淳。先皇已登遐。頽風何日新。萬邦今執戈。連衡擊暴秦。流血慘漂杵。天地暗腥塵。蓬瀛獨洋洋。齊楚通慙慙。樽俎多機變。豈長保其親。所恃在自強。何須更問津。飲酒亦不樂。俯仰愧醉巾。遺臣多凋落。柱石誰有人。

丙辰歲晚

歲晚吾廬靜。殘爐伴獨眠。寒松標秀麗。翠竹弄幽媚。榮辱熟炊裏。悲歡瞑目前。祭詩憐今夕。一醉入明年。

丁巳新年 六年

射窓初日麗。春意逗南枝。嫁女辛盤寂。次女嫁他添孫椒酒遲。長女舉孫杯中

雙鶴舞。

立太子作節所賜

畫裡五雲披。

壁掛蓬萊圖

座覺暗香動。醉餘裁小詩。

新年小集同聿水天隨酒間聯句九首 錄三

瓶裡梅開紅白花。隨東風既到故人家。聿辛盤剪韭春同醉。龍座到夜深燈影斜。隨

疎才自笑為詩狂。聿月夕花晨醉幾場。龍誤被人間識名字。隨半

生贏得鬢邊霜。聿

江湖寄跡又逢春。龍笑戴陶家灑酒巾。隨何管鬢華消不得。聿浩

歌好擬散仙人。龍

同上用聯句韻各賦 錄三

一抹晴霞屋角紅。新春閒適與誰同。爐頭始覺春堪醉。四壁寒輕花氣中。

胸次崢嶸欲拓難。尊前何幸得清歡。一區有宅足容膝。領畧江湖

風月寬。

蕭蕭茅屋世情疎。老後亂頭猶懶梳。蔬已抽青梅吐白。一年好景入春初。

壽內藤鳴雪翁七十初度

悠悠乘化老神仙。已墮人間七十年。陶寫性情糸竹外。平章風月古今前。隨時遣興酒瓶挈。到處尋幽吟屐穿。一萬編詞一枝筆。此翁眼底藐凌烟。

讀南華經

翠崖擁赤臺。中有環堵宅。閉門讀南華。隱几終日默。烏不黔而黑。鵠不浴而白。騏驎難捕鼠。梁麗難窒隙。夔跣蹕而行。一足憐蚊百。神龜寧曳泥。恐遭剖腸厄。物物有自性。化化見天則。寐耶將寤耶。誰主誰為客。昧哉曲士徒。紛然立畛域。外重而內輕。日事腐鼠嚇。

江渚冬擗鼈。山樊夏偃息。百年真一夢。逍遙適我適。

春寒對酒 戊午七年

隴梅已放白。畦蔬未抽青。初服養懶拙。何物艸堂靈。爐頭春有酒。抄來未耜經。

戶隙尖風穿。彈竹霰丸走。瓶梅笑在傍。如有一壺酒。半臂春防寒。不須倩織手。

游松蔭寺

天地秀靈氣。所鍾產尤物。偉哉鵠林師。大德似古佛。雪峯云。趙州古佛也。禪旨

歸隻手。師常以隻手聲為公案。接道俗。群魔伏一喝。駿岳與參水。高風見髣髴。我來

叩山門。寒泉獨汨汨。天花散無痕。空餘方丈室。拈香禮遺真。乞紙

寫銘碣。老松敷清陰。千歲懸孟鉢。備前池田侯。曾參勤途上。過門見師。問其所需。師曰。貧厨缺摺鉢久矣。侯輒遠

贈備前燒孟鉢三個。師即懸其一于門松。至今尙存。

伊豆山中

前灣碧波漾。後嶺白雲疊。山麓家隱映。雞犬處處雜。夾岸開溪桃。沿流浴野鴨。相問是武陵。牧童笑不答。

三月十七日松風庵雅集得靜字

近水掩柴扉。翛然塵事屏。神游衆妙門。心息無何境。清酒酌春深。

素琴彈日永。一牀書五千。時聽松風靜。脊齋近獲古扁額。題松風。傳云六夕山人筆。

壽乙骨華陽通稱太郎乙七十七

蕭條高士宅。萬竹四隣幽。久領山林樂。何勞肉食謀。爨涼無內熱。心淡有天游。書卷擁城富。傳家德業優。

陪德川靜嶽公盛謙賦呈

嘉會清明節。花前笑語溫。雲仍欽祖訓。伏臘拜皇恩。德蔭名門茂。學延耆宿尊。酒酣仙樂起。霞色舉軒軒。

鵝飼耕雲華甲壽詞

詩酒優游天祿隆。杉南有屋足清風。人間至樂人知否。不在鷹揚虎視中。

前露帝 已未八年

彼得英邁主。車書欲混同。移風又易俗。當宁勞其躬。創業真多艱。克成絕代功。爾後拓疆域。遙及沃沮東。前帝何爲者。守株不知通。梁驥弄大柄。嫪毒穢後宮。忠良遠流竄。荒野鬼火籠。時日何時喪。衢謠有市童。外寇忽開釁。禍起蕭牆中。萬乘爲孤囚。土崩天矇矓。身死族亦赤。九廟草蓬蓬。幾微誰先見。詩人有杜翁。

前獨帝

一戰挫塙雄。再戰破法壯。貔貅銀兜耀。威風萬邦望。軍旅孟謀將。折衝比宰相。佐命各得人。中興氣蕩蕩。前帝漫好大。何遑顧誹謗。

敢然讐四隣。五歲戰塵漲。毒烟天爲咽。潛艇血湧浪。一敗身蒙塵。鴉啼黃屋上。驕者豈得久。祖業忽淪喪。舉目山河碎。隨處聞鬼唱。天隨評。二首叙兩國皇帝末路。感愴不盡。氣骨崢嶸。體勢雄渾。所論跨古今。洵可驚異也。

世界風歌

世界風來何颯疾。降災下土勢猖勃。不論陶朱與顏曾。奪命如探囊中物。滿都人心如蹈冰。雖有良醫施無術。夫喪婦兮父喪子。西舍東隣哭聲咽。喪車相連青山路。靈旗紛紛朝暮列。嗚呼是果何朕兆。仰望蒼天雲吞日。聞說歐西戰酣時。此疫蓋自塹濠發。果然萬魄歸不得。化爲厲鬼訴鬱屈。我願雄邦鑒前轍。敵血弭兵謀疫滅。人天相和六氣調。海不翻兮山不裂。

天隨評。此種題目。尤難著筆。吾翁視險如易。一氣呵成。有抑

揚有波瀾。旨趣顯然。白家諷論。蓋不外于此。

賀煎茶小川流再興寄後樂堂主人

活火熟湯心即空。茶經石鼎映簾櫳。東山山麓無塵處。兩腋清風一碗中。

可中亭觀月雅集

此日子初與
裳川翁相見

邂逅相逢一笑真。高情偏喜屬騷人。茅花桂蕊當階發。野蕪山肴對席陳。酌酒好招今夜月。浮生如寄百年塵。滿城絲竹賞秋客。不及吾交淡以親。次裳川

白露初邀節。秋闌月影圓。天機會不盡。大化本無邊。觀水嘆如此。看山撫自然。樂哉文字飲。懷抱入詩篇。

中天懸皎月。置酒對前庭。人看陰爲魄。佛知虛即靈。茅花搖影白。松葉逗光青。露冷秋心老。百蟲移榻聽。以上二首
次遠洋

雨過池塘爽。林垆霽色浮。山莊高士嘯。石徑野樵謳。杜酒忘憂淡。騷詞託諷幽。滿盤堆芋栗。醉賞古中秋。索和

初夏寄興 庚申九年

消日工夫好讀書。茅簷趺座意怡如。東西逐物心無主。夢幻觀身樂有餘。遠處蟬聲新樹密。何來蝶影晚花疎。筍蔬盤饌不思肉。禪味尤饒是夏初。

浪跡江湖只伴書。閒居夢似病相如。李牛誤國鑑非遠。管葛濟民謀有餘。朔北王師名作累。極東霸業事遂疎。晚堂呼酒不成醉。夕日一鷗啼血初。

次雲莊入澤博士達秋懷韻賀在職二十五年

七竅成身奈病何。萬人乞治德輿過。回春有此一雙手。却向悲秋拈韻多。

感興二絕

金距雞鳴柵。霜蹄駒服轅。物皆知所止。君子在衡門。
九轉藥無神。三杯酒有真。野桃出牆角。似笑抱痾人。

題四明句集 辛酉十年

東山秀如許。無復見仙翁。碑刻遺吟在。庵留小影空。逍遙追古道。
終始唱新風。未遂平生願。神交一夢中。亡兄常云。願建立一祠。以奠三十
六俳聖。我為其堂守。告老。七八及

裳川評。遺吟小影。沈痛刺胸。古道新風。子規亦與予論之。其
事可言而難為。四明翁所見亦爾爾。予終恨無識面之時耳。

辛酉二月四日。村井保固招飲同人於柳橋龜清樓。酒
間出予曾送君赴米國詩見似。相距四十餘年。一誦如
夢。再疊賦以為謝。

四十年前傾離杯。祝君壯舉游荐催。回首自有今昔感。抱樸知是
天下才。艱難玉汝名逾貴。却憫下和泣別來。今夕此樓重把臂。殘
骸轉忘双髻摧。話及舊友半黃土。暮雲江上多餘哀。人生唯酒須
痛飲。劉伶李白安在哉。

題松蔭高士圖。賀乙骨華陽八十

百尺亭亭松。龍耕長老茯。琥珀生金光。傍有抱孫竹。谷口有真人。
風丰似鄭樸。野服欵角巾。逍遙獨為腹。老子云。聖人
為腹不為眼長生不勞形。久
視多壽福。陋哉山中仙。茹芝徒避穀。

哭牡丹。予家藏一屏風。揭貼中嶋長城湘煙夫妻之
詩。長城詩云。西都為客幾旬日。看自櫻花到牡丹。因步
其礎。以述追悼之意。

把臂同凭鴨水欄。斜陽尖塔暮鴉殘。斷腸空代招魂曲。細雨簾前

賦牡丹。

山石

幽澗一塊石。其狀何頑然。終日唯守默。僵臥鳴泉前。洛陽牛與李。榮枯屢代遷。幸免渠羅致。偃蹇抱雲眠。予亦久韜跡。形影空相憐。一見如有舊。拊肩訂宿緣。箕踞賞明月。跌坐忘言筌。留與一轉語。空山有遺賢。李德裕平原莊多奇石。諸侯競贈。瑞石奇花。牛僧孺嗜太湖石。分其種類。各等刻牛氏石。東坡云。洛陽泉石。今誰主。莫學痴人李與牛。

辛酉五月宿道後魚府樓山館

浴後欄干眼界開。一簾嵐翠滴吟杯。無端樓下泉聲急。知是溪山送雨來。

明治樓舊友會席上

萍水相逢感昔游。半生牢落酒消愁。形骸如是君休恠。昨日少年

今白頭。成語

石手寺

白髮重來古寺前。青山滿目帶餘煙。曾游尋跡與僧話。躑躅紅蒸
賁玉泉。

予嘗承乏松山元中學校長。訓督諸子。僕指既經四十
星霜矣。今茲辛酉五月。諸子相謀設謝恩會。遠招予於
其地。予及赴之。共話舊事。恍如隔世。淹留數日。款待具
至。使予陶然忘老。顧舉世滔滔。惟利是謀。不復知人間
有舊誼。此舉可謂空谷登音。予豈得不感激乎。田內君
藍川。予舊友也。幹旋最努。平素欽慕福澤先生。而予亦
出其門。此書翰係先生所寄。予推薦後任校長者。因贈
之以為紀念。且添以一詩云。

豫州緝布世皆知。產業日新功屬誰。辛苦多年勞不伐。經營一代德能為。巖含萬象立庭砌。巖名萬象。有記寫狀。水滸百泓環屋籬。白髮相逢宿緣在。綠陰分榻話涼颺。

同田內榮三郎原信正永江為政諸子游道後公園

曾游數上一廢壘。云是河野氏城趾。浴沂有客歌遺民。勤王功耀南山史。此鄉久有知音存。白髮重來溫泉村。狐兔兔豐荆榛地。一朝忽變偕樂園。池水魚躍石皆白。山鳩鳥宿樹盡碧。人情未肯追世情。黃幡款待今猶昔。駐杖懷舊幾臨風。當代巨匠詞何雄。一系天子十七字。豐碑留句鳴雪翁。

裳川評。聞天葩君曩時在豫之松山。教授子弟。名士輩出。其人相謀。招君為謝恩會。近世師弟之誼。棄之如土。殆無復顧者。此一事足以傳風範。而君詩中。單謂人情未肯追世情。無

一語相及者。其謙德亦可想。予亦知鳴雪翁一系天子句。與其人此詩。共可千古也。

遠洋漁史。晚翠居題壁。三首次韻

美人在湘水。翛然世情遠。一官棄如泥。知是筮得遯。身已託漁樵。心尚抱忠蹇。閒趣靖節似。一觴百情穩。顧我本無用。耻與世相混。真人不為目。唯恨聞道晚。

連岡古松秀。人對白雲睡。滿眼風塵中。有此一天地。曳筇獨逍遙。殘楓饒景致。時作蘆中人。忘機有息翅。一竿好風月。平生忘老至。遙知大江上。樓居繞滴翠。

列子游御風。老聃隱冲虛。真人何所說。大道元如如。湘南冬十月。地暖氣如嘘。天意見剝復。雲心時卷舒。中實有至樂。已忘毀與譽。懷抱自異人。悠哉君子居。

歲晚述懷次裳川翁詩韻

霜氣淒淒夜色增。暮年短景急於澠。儀形持已雞群鶴。攀附依人驥尾蠅。十載游蹤雙蠟屐。半生心事一書燈。無端酒醒孤懷冷。月上紙窓冷似冰。

清時幸遇鬼無靈。老子云。以道莅天下。鬼無神。吾輩唯應守舊經。數點梅花林外

白。一畦菜甲雪中青。方書鴟顧見禽戲。炉炭虎張成獸形。病後閒

居掩門好。蕭齋守歲讀碑銘。日本金石史友人木崎氏所贈

湯婆

老友湯婆子。一腔充熱腸。霜晨兼雪夜。相伴臥吟床。

哭永元愿藏 壬戌十一年

眼見舊歡如夢空。清丰猶記古人風。吟魂一片知何處。留在湖光岳色中。

昔社觀梅雅集

梅花爛熳叫山禽。文字相逢酒可斟。醉折一枝還一笑。白頭蕭散不勝簪。

櫻花

玉蕊瓊葩春競妍。雲屯雪散翠微前。此花偏管南朝史。曾護芳山半壁天。

牡丹

亭院雨過簾影寒。青苔無復落紅殘。玻璃杯泛葡萄酒。醉倚朱欄看牡丹。紫膩紅嬌露帶香。春風爭賞牡丹芳。洛陽城裏多豪貴。姚魏名花誰擅場。

消夏吟十首 錄八。與來即賦。事無倫次。

天龍詩集
脩然無夢到窮通。清味此間誰共同。吹落涼霄花幾片。讀書窗外
古松風。凌霄花

一部遺編萬感牽。師門同學跡如烟。追思五十歲前事。玄髮青衫
最少年。讀息軒安井先生著及門過訪錄

妙技傳來蚤上堂。短軀精悍氣軒昂。與丁猶記函山路。叱咤暗鳴

庭八郎。讀伊庭八郎逸事

鼠肝虫臂任推移。歌哭與人俱不差。那用安排補黥劓。由來造化
是天醫。讀莊子王荆公詩云。神劓天黥以有知

已許琴書老此身。不知門外漲炎塵。隔林精舍木魚靜。隱隱風傳
睡殺人。木魚

盍簪講習故人居。麗澤相滋樂有餘。別是一章盟約在。不繙秦漢
以來書。不老會。易兌卦麗澤兌。君子以朋友講習

東籬千載有風流。培菊偏期古趣幽。又是陶家閒事業。朝朝灌水
待三秋。培菊

崇岡翠繞舊茅廬。一榻新涼宿雨餘。眼見今朝非昨日。芭蕉葉裂
不堪書。今日非昨日

明治天皇御十年祭恭賦

從哭登遐已十年。至今聖德萬民傳。追思不覺膚生粟。火傘炎炎
七月天。

六十九年非

避趨笑我與時違。白髮寒燈臥板扉。如是殘骸人稱壽。看來六十
九年非。

草の家詠草

草間時福作

大正二年及三年の歌

雪

ふりつもるゆきのあしたのわたし守人まちあへず舟いだしけり

落花

今日は雨昨日は風こいたづらにたれこむる窓にちるさくらかな

春雪

かつきえてふれご積らぬ淡雪に似るべくもあらぬわが思ひかな

綱

高瀬ぶね小柴つみてやのぼるらむつなひく聲のまごにきこゆる

五月十六日夜昭憲皇太后のあらきの宮に祇候

し奉りて

世の涙たまりたまりてさみだれの空こはなりてけふもふるらし

明治天皇の御製をよみ奉りて

ごもすれば夏を暑しこかこつかな大みここ葉はうちわすれねご

鯨

けふはまた舟路の日記に筆こらむ熊野のうらにくちらを見つこ

壺

世の中の寶なにせむわれはただその日その日のうまさけのつば

夏 寺

風さそふ木魚のおごのすすしさよ寺には夏をいれずやあるらむ

不 二

ただたかきのみにはよらじ神山ごたたへて人の不二をあふぐは

筵

やぶるれごなほすてかねつわら筵夜ふかく織りし人をおもへば

すなほなる民にしあれごむしろ旗立ていむかふこごもありけり

蜻 蛉

あまのすむ里わにごほきうら川の夕日さびしくあきつこぶなり

母君の十三回忌に

面影はいまもさやかに見ゆれごもめくれればはやき月日なりけり

大原にて

かれぬるかおぼろの清水昔しより幾世のすがたうつしうつして

百谷の木の葉のしたやくぐるらむひえのふもこのおこなしの瀧

葉山にて

ひろひたる貝をくらべておごめらが品さだめするはるの夕ぐれ
つみ艸の籠をひらきて少女らがわれぞつめるこつくしあらそふ
をりにふれて

苔むせる古い木の梅はなかなか花すくなきぞたふさかりける
さくらから人はかへりぬおぼろ夜の月に歌ひてひこりながめむ
花ふぶきあびつつくだす筏にもはるやながすこをしまるるかな
窓をおほふはせ葉ごりてうたかかむ露ににじみて墨はちるこも

四年の歌

門松

つねならぬ年をかこみさびしくも松だにたてぬ門も見えけり

寄繪戀

心なくうちみてすぎし繪すがたのあやしやいまも面かけにたつ

山

世にあはぬ人のかくるる山なれど山のすがたは世のつねにして

故林董伯の別荘をすぎて

かたらひし一日は夢ごすぎにけり梅さく門にこりはなげごも

外孫重雄の端午をいはひて

ゆく末はかくもかをれど軒にふくあやめをさして祝ふけふかな

里

みやこより家はただちにつつきけりいつく伏見の里ごはばや

蝸牛

天の下ゆくもごまるも家おひておもふままなるかたつぶりかな

蚊遣火

室の木にむかしの戀ややごるらむ蚊遣のけぶりまたももえたつ

菊

露ふかきまがきの菊におもふかな嵯峨野のおくの秋はいかにこ

大嘗祭の日に

長らへし甲斐はありけり面のあたり神世ながらの様を見るにも

詩仙堂にて

かくれつつすみし人こそ忍ばるれくぼめるすすり緒たえたる琴

葉山山房にて

たまたまにたづぬる人があるじこはしらでや袖にかをる梅が香
谷こしに木をきるおこのわが園のうちこきこゆる庵のさびしさ
萩園と誰が名づけけむわがいほはすすきも生ひて人をまねくを
をりにふれて

また一人なくなりにけり老ぬればさらでも友のすくなきものを
くづれにし牡丹の魂やまよふらむこよひも夢にすがたをば見し
夏艸のしげみにまじる百合の花たれをやさしこうつむきてさく
山の端をいでもはなれぬ月かげのはやくも膝にうつりけるかな
おりたちて手折るたもこにはらはらと露ながらちる秋はぎの花
一こもこは野川にふしてゆくみづにただよひながら女郎花さく

五年の歌

新年會友

年ほぎの人ののこりておのづから友のまごぬこなりにけるかな

橋

小夜ふけてかへればいつもわがやごのこもし火見ゆる里川の橋

残暑

秋たつごきけば心のゆるみにやのこるあつさのたへがたきかな

子規

山の手は都のほかごおもふらむひるもしばしはなくほごきす

犬

夜をまもり子らにごもなひ年へたる犬はやからの心地こそすれ

秋夕

わたり鳥いづくゆきけむ目路ごほくかげだにみえぬ夕ぐれの空

母の十五回忌に

いつまでもありし昔しぞしのばるる菊のいろにも百舌の聲にも

葉山にて

少女子のこりたる虫の籠なれてなきそむる夜のまたれけるかな

秋くればいづくの小田も露ふかく豆のはなさきいものつる這ふ

くさも木もよみがへるらむ夕立の雲ひきさききてかみのごごろく

歳暮

幾度も別れなれたる年ながら今日ごしいへばをしくもあるかな

六年の歌

遠山雪 新年勅題

うちわたす伊豆のむら山雪しろしいまやみ狩のさかりなるらむ

海邊春月

いろくづもうかびいづらむ春の夜の波にたゆたふ月を見むこて

漣

ふる里のふるきなぎさのさざら浪いまもよせつつ人やまつらむ

花始開

またれつる花はさきけり飛鳥山あすごはいはずゆきてながめむ

朝花

おもふごちかたりあかして隅田川あしたの花もごもにながめむ

暮春

いまさらに春を夢ごもおもふかなぼたんの花のちるをながめて

兄四明の身まかりけるごき

思ひきやただすの杜のほごごきすねをなくごきに君ゆかむごは

亡兄四明の遺墨展覧會におくる

ここの葉のひかりはさらになす鏡君のすがたをながくごごめて

避暑

かまくらの古きあごをもたづね見む夏ふた月をすごしがてらに

醫

くすりうる里のおきなはおのづらくすしご人にあふがれにけり

述懐

琴ごりてわれはうたはむわがしらべよし世の人の耳に合ずごも

神

ひろ前の眞砂あつめてさこの子のあそぶは神もゆるしますらむ

嶋夕陽

わびてすむ人もあるらむはなれ嶋夕日にむれてかもめごぶなり

烟

大しまになびくけぶりをゆびさしてあすは雨よごかたるふな人

夏笈

竹きりてかけひつくらむたに水のおごをききつつ夏わするべく

鶯

沖津風ふくをまつらし岩かごにつばさやすめてわしのたてるは

冬夕日

あし鴨はいづ地ゆきけむ水の上にさむき夕日のかげをのこして
青森へゆく人を送りて

みちのくの岩手の山ははるながらゆきいただきて君をまつらむ
南天莊觀月會にて

かたりあふ夜の雨こそごかなれ月見むためのまごゐなれども
街 燈

ごもし火のかげは一ごつにてらしけり人ご車ごみちはかはれご
をりにふれて

なかなか雪ごもならでよもすがら寒きおごのみたつる雨かな
いにし年の大嘗まつりおもふかな霜のましろにおけるあしたは
埋火はいつしかきえてねさむれば霜にこゑありあかつきのまご

世の人はしるやしらずやたのしみは富てふものの外にありごは

七年の歌

新年空

のごかなる年のはじめの大ぞらは人のこころのうつるごぞ見る

朝雪

たづねこむ友をもまたでひごりまづ酒くみて見るけさの初ゆき

垣梅

柴の戸もかき根の梅のさきしより誰がいほりかご人のたづぬる

若艸

春さめのふる江のつつみ人たえてこころのままにもゆるわか艸

河邊花

隅田川はな見るひごはちりはててつつみにごよむ夕しほのおご

逗子宇野氏の宅にて

大むぎは鎌まちがほに黄ばみけり軒端につづくやま田ながめば

早苗

早苗こるおこめの笠に雲たりて田の面をぐらくさみだれのふる

薬

世のためにくしき薬をみいでつる人はまことに神にぞありける

孝子

よく親に仕ふる人の子を見れば世はたのもしくおもほゆるかな

糸

さびしくも人ざごほき一つ家にやまを見ながら媪がいこくる

沼津宇野氏宅にやごりて

夜もすがらさやけきおこをたつるかな夏は水ある宿ぞうれしき

長岡温泉にあそびて

めぐりきてここのいで湯に宿からむ天城の山をまごに見むこて

蛭が小嶋にて

すぎかねて畔のほそみちたづねきぬ龍のひそみし跡こききては

落葉

一と夜にぞ黄金のやごごなりにけり银杏のおち葉庭をうづみて

時雨

神無月しぐるる夜はのなかりせば世にある人は老いざらましを

をりにふれて

くだちゆく人のこころにくらぶれば紙は薄くもおぼえざりけり

垣こしにきこゆる賤がいこくるま人のひるねのゆめもひきけり

萩はふしすすきはなびく秋の野にいつくまでもご葛のはなはふ

みちのへの枯生のなかのすてわらじ霜の花さく世にぞあひける
ひごもこの桔梗のはなのむらさきに庭のおもては秋ぞあぶるる
八年の歌

若菜

若菜をばつみつついつか近づきぬ眞間の手兒奈の奥津城ごころ

鶯

汐たたふ入江のきしの小笹はらふねのゆく手にうぐひすのなく

弓

弓されば心むかしにかへるなりはなちて射べきまごはなけれご

春田

あら小田をすきてかへしてせきいるる水まちあへずなく蛙かな

蝸牛

たま鉢のみちゆくごごく椽のつまかきの袖はふかたつぶりかな

燈臺

大岩の底にあるぞごごもしもててらすふな路のやすらげきかな

返子時光の宅にやごりて

この宿は老のねざめぞこ地よきまくらにこほく波のごよみて

憲法發布三十年紀念日に

よろづ代のもごゐごさらに大憲をさだめ給ひしみかごたふごし

實朝公追悼歌

山は裂けうみはあすこも大八しま國のもごゐのうごくべしやは

大學病院に娘静子の病をこふらひて

床あげてたづねこむ日ぞまたれけるむかしの宿の花をたづねて

娘の身まかりければ

まちわびし甲斐もあらずてこの春は花よりさきに人のちりぬる
娘の墓に詣でて

夢のごと若葉のかげにはるゆきて花のすがたは見むよしもなし
露 季 結

白露のこぼるる見れば常盤なる松もあきにはたへずやあるらむ
秋 夕

言ごはぬやなぎの木すらさびしきにおごろへみする秋の夕くれ
妻のやみて病院に入りければ

かたるべき人もあらず歳くれて老いのねざめの寒き夜はかな
をりにふれて

うゑはてて山田のおもをながむれば早苗にそよぐ風のすずしき
よべは月けさは小雨に一と秋のあはれを見せてはぎのはなさく

あなさびし行幸の舟のあごたえて池のみくさにあきつこまれり
むら雀かへりきぬれば竹むらのねぐらもわかずゆきのふりしく

九年の歌
たのしみ

書よめばたのしみ多しいまならぬ人にも世にもただにあひつつ
柱

帆ばしらのすゑのみ波にのこる見ゆ舟のしづみし跡ぞかなしき
欄 干

おぼしまたよりて山見む人の世のよしあし語りきくのうければ
野 月

いねかねて野もりもあらむいざゆきて月を筵にかたりあかさむ
われ父の喪に奔りしは十九歳の秋にしていまは早や

五十年のむかしごはなりぬ夢か幻かみ墓の前にて

いまもなほ夢は昨日このこれごもみはかを見れば苔むしにけり
はらからはみな消うせてわれひごりけふの祭にあひにけるかな

小川後樂堂主人ごにも嵐山にあそびて

岩がねにつつじぞさける龜の尾の山かけきよみふねをよすれば

江田嶋兵學校官舎宇野氏宅にやごりて

若竹はやごのしるしごなりにけり杉のいけがき家なみ似たれば
その人のいさをいまもあふぐかな音戸の瀬戸のふな路こえては

冬興

ごふ人のあらばごごめて酒くまむあたらこの雪ひごりやは見む

十年の歌

社頭曉 新年勅題

うちわたす代代木のもりの朝月夜きよしご神もみそなはすらむ

寒風

よひながら家はござせり市なかも筑波おろしのさゆる夜はには

兄弟

たらちねの親の昔しをはらからご語ればいつも夜ぞふけわたる

折梅

あめの下はるきにけりご咲く梅のひごえだ折りて人に見せばや

岡雉

さく花のよし野よく見てかへりくる岡越みちになくきぎすかな

紅梅

阿珈水をくまむごたてるおごめ子のかた手ににほふ紅梅のはな

竹間夏月

竹むらに入りてや月のくだけけむ葉ごこ葉ごこに露のひかるは

箸

いたづらに日をばすごして箸されば面伏せにもおもほゆるかな

雨後草花

むらさめのはるるをまちて法の師の花野わけつつ花たをる見ゆ

枝

高くひきくわかるるえだも天津日にむかふ心は一こつなりけり

焔

事あらば身をば焔になげつべしやまごをのこご名のりをばして

田内氏よりふすま一ごかさねおくらければ

いまよりは千鳥のこゑもあたたかに老のねざめの友ごなりなむ

蟬

きくたびにこころすすしくおぼえけり代代木の杜になく蟬の聲

長岡氏の末女の身まかりけるごき

花ごろもぬしなき世ごもなりぬるをしらで盛りの春やまつらむ

伊豫松山のふるき友だちが謝恩會ごなむ唱へる

まごゐを設けてまねきければ五月三十一日出立

けるごき

波こえてたづねてぞゆくまつ山の人のまごこのなつかしくして

道後温泉魚府樓に宿かりて

長らへし甲斐はありけり伊豫の湯のゆ桁の數をまたもかぞへて

明治樓懇親會にまゐるみちにて

山の上の城はたかくものこりけり人のむかしをかたりがほにも

友ご石手川のほごりに遊びて

人の世のにこりも知らで石手川みなもここほくすみわたる見ゆ
きて見ればわが昔しこそしのぼるれ岩ほに立ちて釣する男の子
法の師ごむかしかたればたに水のそそぐかなたにつつじ花さく

別後寄友

波の上は八十嶋ごほくへだつれご夢のただちにさはるべしやは
をりにふれて

をさな名をよばれてきくぞなつかしき故里人のつごふうたげに
病む人に誰がおくりしか一鉢のいばらのはなのいろのゆかしき
ふる里のむかしのみちににたるかな小川はさめる野いばらの花
ふりつもるばかりならねご初雪ご日記に記るすが嬉しかりけり

十一年の歌

鶯

春ごごに身につむ年をうぐひすの聲にわかゆごおもひけるかな

針

針ごりて糸ごほさむご目鏡をばいつもさがしし亡き母おもほゆ

車中より川を見て

車よりごほく見やればよご川もただ一ごすじのひかりなりけり

七十の誕生に暦ごいふごごを

つぎたてばながき巻ごもなりぬへしすぎしわが世の暦あつめて

述 懐

白玉ごくだけでもせずでいたづらにまれなる年をむかへけるかな

秋

雲 南天莊觀
月會席上

空さへも月のひかりのかがやけば雲のねたみをさそふ世にして
をりにふれて

わか艸もうすむらさきにほふらむ大内やまのゆきのしたには
一鉢の菊のすがたぞ似たりけるむかし嵯峨野のおくに見にしこ
かくれ入る山なき里ぞあはれなるすすきのはてに月はかかりて

十二年の歌

年のはじめに

いたづらに日をすごさじごたつ年にまづ誓をぞかけそめにける

光

天津日のひかりをうけててらさばや心のおくのくらきくまをば

残雪

つくづくしつみつつかれば道のへのおもはぬかたに雪ぞ残れる

鍬

剣をばすててくはこれひらけたる世にも荒野のここらのこれば

松山のふるき友たちより記念録を刊行して我古稀を

祝ふごて贈られければ

石上ふるきわが世を面のあたりみるがごこくにおもほゆるかな

春月

たれにかもむかしをさはむゆきくるる花折塚のはるの夜のつき

若宮松風洞主人が七十の賀に

しづかにもおこなふのきのまつ風は千ごせをはこぶ使なるらむ

花の下にて

ゑひふすは花のこかげぞよかるべし夢ふく風のさぶからずして

誓

老いぬればはこぶあゆみはおそけれごふまじご誓ふ人の足あと

花菖蒲

ふるき根のいまものこりて花あやめ一ごもごさける庭の小池に
東京大阪間の郵便飛行を見て

いくたびもしぐれくくらむみやこより都へかける天の小ぶねは
門

まつ人をまつこはいはでおごめ子のひごりたたずむ夕ぐれの門
蛾

夕風にほのほかたよるごもし火をわれぞくらむご虫のあらそふ
皿

かけかけて足らずなりゆく皿見れば老の友にも似てぞさぶしき
秋故郷

芋も肥え豆もみのりてふるさこの秋たけぬてふいざかへりてむ
蜘蛛

ささ葉より風にふかれておちにけむ青き小くものふみの上はふ

埜氏の身まかりければ

その椅子もそのごもし火ものこれごも友の面影見むよしもなし

復興

もも年ののちをおもへば人言のよしごあしごはさもあらばあれ
をりにふれて

軒ひくき伏家なれごもさく梅のたかきにほひをこころごもがな
古史をひもごきよみておもはずも亡き父の名を見いでけるかな
ごぶ鳥のつばさもがもな津の國の灘のさか屋に日ごごかよはむ
呪はれし世にやあるらむ阿鼻地獄餓鬼の叫びをきくもおそろし
丈夫はふるひたつべし大みやこきよきもごゐにたてなほすべく
ここもまたやけにしあごか橋おちてのこれる杭に霜ぞおきたる

めぐまれし衣はよしやうすぐも人のなさけのこもれるものを

十二年及十四年の歌

新年言志

あたらしき都ごごもに人ごころたてあらためむごしはきにけり

新年市

あら玉の年のひかりのかがやきて焼けにし市もおもかはりせり

雛祭

古ひひなまつりつぎつこの春は末のむすめぞあるじざねなる

菜花

海のご菜の花さほくつらなりてしまごうかぶはうね火香久山

花影

おぼろ夜の窓にうつれる花のかけこくもうすくも月のまにまに

珠の履われもたぬこそうらみなれいざよふ花のかけをふまむに

梅雨偶晴

さみだれのそらにみごりのみえそめてあふち花ちるのきの朝風

さみだれの一ご日はれけり淀舟も棹さしながらごまやほすらむ

廢園菊

なかなかに盛りなるこそあはれなれ主なき園のきのくのむら

耻

年年にこの日を耻の日ごよびてそそがむ日までゆめなわすれそ

南天

しづが家の冬のかき根ぞうつくしき南天の實にゆきのつもりて

林中烟

なつかしく人にみゆらむ夕げたくけぶりも家のはやしいつれば

十一月三日牧野邸に於ける萬葉集新考脱稿紀念會

にて

言の葉の功を代代につたへむごふかきこころにたてしいしぶみ

妖 星

あやし星そらのかなたにあらはれて風なきうみに波たたせけり

をりにふれて

谷水のきよきは庵のほこりなりきませ木の芽を煮つつかたらむ

あたたけきねぐらに雞のいぬる夜を入江さむしこ雁はわびつつ

塔のごこ高くそびえてひややかに世を見くだしし人もありしを

附 録

俳 句

明治三十三年ヨリ
同四十一年頃ニ至ル

春 之 部

筆始め机に古き二王帖

葉山山房にて

山開き斧打つ松や二抱へ

梅に暮て六合川の二日月

鶯や椽も朽ちたる小町寺

鶯や竹に生れて竹に老い

愚庵老師遷化すこきゝて

梅に叩き月に叩きし庵も閉ち
初午や同心町の懸行燈
暮れかゝる木幡の里や獨活畑
踏青や或は水をかち渡る

奈良にて

鹿ののぞく勅使の宿や春寒し
春月や廻廊通ふ人の影
花の影踏めば流れん朦月
春雨や鼓をあふる小傾城
青柳や出口に憩ふ田螺賣
酒を賣る家の宵寐や春の雨
永日や飛鳥井殿の鞠の會

陽炎や仁王の足の力瘤

十津川にて

行き暮て折花塚に花を折る
戀塚や十二ひこへの朦月
雛の間につゞく客間や夜の宴
花の春天に酒屋あり地に酒仙
義仲寺の門を出れば蜆汁
東風吹くや鳴門の渦の忙しき
紅梅や産湯の井戸は困まれて
壬生の鐘朱雀は暮て油菜花
ばてれんのいるまん誘ふ花見哉
白魚の網にも花の二三片

春淋し孔雀の茶屋も鎖されて
牛鳴や家は鎖さして桃の花
仁王にも一と浴びせよ花吹雪
花散りて漸く嵯峨の水の音
短冊を一枚のこし春行きぬ

墨江八景

三めぐりの傘の往來や花の雨
散る花の中に宗祇の髭白し
暮れんす渡争ふ春の人
此橋を枕こもせん春の月
暮の鐘花より花に沈みけり
朝靄や花を離るゝ二三尺

三圍煙雨

白髭香雪

竹屋夕照

枕橋暎月

木母寺暮鐘

水神朝靄

首あげて落花を浴ぶる鷗哉
行春の綾瀬下るや帆の一とつ

言問白鷗

綾瀬帆影

夏之部

川狩や刀束ねて艸の上
人酔ふて竹植る日を忘れけり
馴れ過し鮓も田舎や氏祭
鄙馴れて蚊遣の下の夕餉哉
牛鳴や鳥羽四つ塚の麥埃
雑色の帷子褪めし祭かな
藻の花を引き合ふてある金魚哉
大原や祭は過てほとぎす
夕風や琴浦かけて松魚船

魚行けば水濁るなり杜若

五月十日五男を擧げて

若竹に呱呱こひゞきて男の子

若竹やよき墨すりて歌かゝん

鮎鮎や芳野の山は五月雨

世を忍ぶ眞田の宿の幟哉

東台に遊びて

立てくし幟の果てや安房上總

夏川を二つ渡りて君が家

沈みゐる茶碗うつくし夏の川

予京に遊べばいつも小自在庵に宿かりて

兄弟鼎坐酒うち交はす例なりしに此春家

兄先づ逝きければ四明兄と對酌して

一人かけて酒も淋しくさみだるゝ

一力亭にて友と飲む

打水や小庭を運ぶ酒の臺

打水や鉢の雛子の聲すなり

撫子を書いて参らす扇哉

短夜の汽車に團扇を拾ひけり

短夜の忍び車や鹽小路

短夜の濱や小さき足の跡

雨の蓮其角は酒素堂は茶

露涼し富士の裾野を馬で打つ

平家一杯水

哀しさを我も汲まばや磯清水

松山梅の舎舊友會

伸びくゝて其若竹や天を摩す
蛭も降る熊野の路や夏木立
晝顔や馬頭觀音六部塚

四明兄の句碑の前に立ちて

一人残る我に淋しき若葉哉

秋之部

京はよし萩に憩ひて寺社巡り
人寄れば鹿もよるなり神樂堂
木槿咲く鎌倉道や古き家
松原や黒津のさこの高燈籠

秋の夜の癖となりたる寐酒哉
秋の夜の寐覺くや離騷經
蘭の香や官舎に古き銀屏風
名月や庭に老いたる棕櫚二本
半座をば繪師に分つや後の月
後の月隣りに寒き白の音
陳勝も遂に起ちたる野分哉
稻妻や茶毘の煙の消え残り

葉山にて

秋ざれば木の間の海や扇形
白萩のこぼれくゝて秋つきぬ
錢箱のからく鳴つて秋行くや

障子洗ふ女賢し秋の水

東北汽車の旅にて

有耶無耶の關は何處ぞ蕎麥の花
力なき秋の日影や義經堂
新蕎麥や庄司が家に客となり
口蝦夷に雪が降つたと渡る鳥
上川に入れば紅葉や寒うなる

西南舟路の旅にて

蘭買へば鶴もこすゝむ對島人
楓江に泊り合はせて船二艘
游女載する其舟さめよ月見せむ
琵琶負ひて法師立ちけり秋の門

一行はみな面憎き毛見衆哉

旅順口にて

南無すゝき踏めば白露されかうへ
蓬蓬と秋風吹くよ己が髭
雨の砧月の砧や秋の行く

葉山山房に於て母七十五の誕生を祝ふ四明兄も

京よりまゐられて

大嶋も今日は見ゆ也菊の宴
十郎も五郎もまゐり菊の酒

夜母の柩を奉じて横濱に赴く

秋雨や柩に侍る汽車の中

喪中

行秋の一聲寒し夜の鶴
魂呼ばん雁鳴き菊の薫る夜に
裏山に百舌も來鳴くよ形見分

松筠兄の病をこぶらひて

病む人に菊の小鉢を運びけり
淀に來て城はこ問へば野菊哉

冬之部

山名石細川石も落葉して

金福寺夜半翁の墓に詣て

落葉する翁の井戸や僧こ我
負公事の冬田に稻の残りけり
葛城の麓につゞく冬田かな

大原や行幸の牛も冬籠
冬籠我には許せ石の癖
山茶花や飛石二つ時雨して
夕時雨く人老いんこす
冬枯の西陣行けば施行粥
大根引畑の隣や詩仙堂
臘八やごの星見てもよく光る
達摩忌や我が剃りたての髭青し
枯蓮や城の昔しは稻葉殿
門田裏田凍る遅速や寒日記
木枯に葱流るゝ野川かな
我馬の罌鳴りひゞく枯野かな

出雲路や今夜の宿の河豚と汁
雑炊のしみも古びし紙子哉
什麼生と人に問はるゝ紙子哉

大正十四年十二月廿五日印刷
大正十五年一月十日發行
東京市赤坂區惠町四十七番地
著作發行者 草 間 時 福
東京市神田區表袋塚町二番地
印 刷 者 尾 藤 光 之 介
東京市神田區表袋塚町二番地
印 刷 所 株式會社 開 明 堂

294
494

終